



御集稿

墓誌銘
墓誌

先々君御集之艸稿

服部文庫

417

2112

30



2112
30

墓誌銘



鷺洲世子墓誌銘

宣政元年五月

四百七字

孫之濟 命侯

鷺洲世子諱忠房字君騏鷺洲其號小字定太郎小
 幡侯諱忠福適子母宮津侯諱資昌妹明和二年乙
 酉四月十六日生世子干辰口邸十六歲始謁見
 浚廟獻 御劔馬質白金壹枚紗綾貳卷以家例使
 朝 帝鑑班安永九年庚子十二月十八日叙爵從
 五位下改稱采女正越二十二日朝 御黑書院獻
 御劔馬質白金壹杖蓋奉叙爵謝 思後病經三年

枚

117 2516

乎

殊 怨

百方無驗卒于霞閣邸賓寬政元年己酉五月十日
 年二十有五葬牛嶋弘福寺先塋域嗚乎末如之何
 者命也知末如之何者知也知而不能已者情世子
 天性孝友愛人容物故及厥疾不瘳雖廁役者有私
 禱而願起者况邸臣賓客情之所鍾不能已已可知
 焉好服家學時時問經元立又以賦詩為娛聰敏
 強記故於文武所習夙解其意凡人居恒所為無不
 為殊愛茶術云天明元年辛丑八月十六日娶中村
 侯諱諱胤女公子未及醮而女公子病歿七年丁未

某月日再娶故鯖江候諱詮央女公子資令鯖江候
 諱詮熙大叔母行也明年戊申三月二十日生一女
 九年己酉二月三日大歿葬牛嶋弘福寺銘曰
 生未竭其才死而不辱親唯疾之憂淑慎其身出坐
 朝儀入脩昏晨汎愛親學宜學於人

瀧水先生墓誌銘 安永五年八月
九百五十三字

瀧水先生諱惠字子迪南總人也其鄉有瀧水因號
 為安永五年六月罹疾八月九日逝矣享年六十七
 葬東都城西四谷戒行寺域於是門人岡伯固本文

卿造余且致孤子業辭相與謂曰將石彼寧如者請
為誌焉余辭不文二子曰顧當今與我師為通家者
與有幾子有三世交誼其可為辭哉余因按其譜南
總岩熊里字佐美八左衛門者為先生五世祖其先
字佐美定行之族也相傳天正中自北越役南總以
勇聞矣定行者稱駿河守祐茂十二世孫祐孝生道
盛孝忠孝忠生定行仕北越謙信數有功為謙信紹
信州上田城主長尾政景隙舟沈之湖中而共死者
也詳存古記其族者名稱不錄不可得而知為自岩

熊字佐美氏世世稱八左衛門至考千室君稱七右
衛門娶吉野氏生先生君一號習翁性英敏好學始
教總人以桔槔操水又見南總之東海多颶漕粟船
時時覆沒謂海口關港容船濶水則有所泊可以無
患是非私利聞之官而事不成居民到今惜之云
履歷詳先生所著君行狀先生以寶永七年正月廿
二日生十一歲受句讀同縣利倉壽仙氏十七歲千
里君命至東都師事物子時平竹溪在塾乃意獨識
忠於物家者必先生也相與日厚因留三年而物子

游

歿尚與社友講習，凡六年而歸。於是築一室，號賜谷，讀書于其中，其歸也，携倉美仲，養之五年，蓋以為切磋之友也。享僚中，官命物叔達，按七經，孟子考文，先生與而有力。賜金，先生在鄉，經十餘年，曾西遊探名山古寺，多求遺書，而再遊東都，居麴坊，止何遷芝三嶋街，學益精，勅從遊甚多。後仕雲藩，為儒官，恩遇殊渥，數上言為政之要，每見嘉納，及與諸大夫論經濟，亦皆依其說而行。大者輔助，室歷中，侯奉命繕修比叡山諸堂，侯所獻銅燈，使先生作銘，有賞。

山中村可作山

復

又曾使著酒色論，以為監戒。初配金綱氏，生一男一女，而卒。男名時敏，女幼沒，再配中村氏，無子，亦先卒。以時敏多病，不能繼業，故養姪德修，字子業，為嗣。先生為人忠信嚴整，視人善，若惟己。既為一世儒宗，是以自諸侯大夫士，至於庶人，受業者日益多。然而不執師禮，請之雖諸侯，而不得答。小泉侯禮待尤厚，且用先生策，至早歲得水不多，若夫燕飲，則曰：學者各苦任重道遠，息於是游，於是唯何戚戚，溫顏接物，申申如，因是人畏而愛焉。先生嘗以為物子著作洽博。

已布海內而漸歷年所觀者或昧典故則有不曾其
義於是悉取其書重校定之研精訓詁炳如丹青已
有刊行者其未脫稿者將嗣梓焉他所自著有詩書
小序絕句解考證輔儲編絕句解拾遺考證皆行干
世晚搜於謾園得物子著述書目所不載遺稿數十
冊大喜曰加我數年以卒業猶可以繼夫子志可謂
物家忠臣焉而先生逝矣惜哉雖然既已為儒宗遺
厚於後進使有所矜式者豈獨忠於物家而已矣哉
銘曰

非周何成不勤誰倚先生言行懦夫立志

小嶋友山翁墓誌銘

寬政六年正月

五百三十三字

藝藩小嶋氏諱祐仍俗號八十郎自曾祖父某別為
兩家而任父諱祐忠號利兵衛是為假父祐忠無子
嘗養與其次女為子實為姊之子而以川北某弟為
養子配之是為祐仍而配卒延享三年二月祐忠請
致仕祐仍繼家 賜秩百二十石永祿如例祐忠得
謝後妾生一男諱祐清號六郎平祐仍再娶甲田某
女生一女而卒女適中野龜藏尹興祐仍乃以祐清

為嗣子為娶林豐藏守峰女是為祐清之元配卒二配則其次女也卒三配則戶田茂右衛門為克女也祐清卒祐仍乃以祐清之三配者為養女養天方通弟諱祐通字子融為子而配之延享四年八月祐仍命為內侍臣寬延三年十月於東都羅疾免內侍臣寶曆五年九月 命為側直六年八月進從士長加職秩百八十石明和五年正月為持鏡長安永三年五月 命為大監察 加賜秩五十石六年為騎馬炮長加職秩百石天明元年六月為大侍臣長五年

政

六月 加賜秩百石七年七月請致仕祐通繼家而除本秩中二十石與職秩百三十石定 賜二百五十石寬政五年八月祐仍以祐通請剃髮改號友山六年正月十日病而卒歲七十二葬城南海雲寺域內法稱陽光院春翁友山居士云友山翁凡歷事三君在職四十二年服勤匪懈小嶋氏之家秩祿未有斯其盛矣翁豈有意乎巧官而為之者哉亦唯自然之質成其福也聞翁性好山水壽七十二宜哉蓋翁為大侍臣長而致仕明月子融氏 命為中直子

融氏俗稱左平次利兵衛氏者以宝歷三年七月北

日卒銘曰

勤干前逸干後遺德之所傳有子顯父母

四百六字

鵝溪屋代君墓誌銘

安永六年五月

此墓所記之事實不
同於他處所記者
ハハ誤也モハ先方ニ
ヤリシマヒシヤト致

君諱維亮字規卿。鵝溪其號。幼志于學。師事先君。尤善詩。雖少。已為干城於吾黨。為大公致仕。君年二十一。繼為大番隊騎士。以職稍閑。銳意講誦。尋祇役於大阪城。大阪繁華地。干役者多浮遊。而君獨暇日讀書。出則。慥為石先生受書法耳。協衛士不欲君所為。

惟阪

將與屈之。君不為撓。益修其業。且和其先。漸勸以詩。於是協衛士至。有感嘆而與於詩者。後移為書院隊騎士。協衛士視君。亦猶為大番隊時。君接之如初。又至。有感嘆而與於詩者。君有才穎美貌嗜酒。善於賞會。每把玉杯。與手同色。初善射御。又好画及音律。於書最工。其筆體有大公風姿。而欲以愷悌上之。世亦稱鳳毛。以鬪其彩云。君之先。出自源氏。屋代其族也。世居參州。曾大父友幸。大父久友。大公師道。以字行。號龍岡先生。為學不倦。以書鳴于世。自曾大父。世世

稱次右衛門。君生於延享五年戌辰九月十九日。卒於安永六年丁酉五月七日。享年三十。葬東都麻阜善學寺域。不娶無子。弟名正雅字寬仲。出後於鈴木氏。故以次弟名美德字叔驥為嗣。嗟乎。人孰不願壽。然而四十五十而無聞。則如學何。君少展其驥足。俾人咸曰龍岡氏有子。以顯父母。以終不壽亦何憾哉。銘曰

維文與筆。必存經藝。資父立名。尚揚後世。

小丘先生墓銘

天明三年九月

習之既卒。將石其墓。二三子來請銘。為嗚呼習之。與余相視。猶兄弟而今逝矣。天道無知。使斯人無壽乎。憾如仰哉。習之生而好文。初來自其鄉。越前鯖江。就余先君學。早成可觀。後仕鳥羽。侯為文學。自以為斯之未能信。益精苦而成。大最工于詩。所著日數百言。至人謂子思其多。然亦所擇取。必非其材。不用。是以能成章。性沈毅。飲酒溫克。而才時不得不漏。即豪亦隨。生平不治家事。交遊款曲。故多慕之者。天明癸卯九月二十五日。以疾卒。享年四十八。葬

所。

池當作地字

先堂側園著有小丘園集本姓出自管氏後改秋元
諱時憲習之字嘗擇間池營小丘園樂泊如故号小
丘先生考澗水妣一氏俱好和歌皆先卒先生娶一
氏生三男一女長名達翁甫九歲烏羽疾憫弱諸孤
賜俸存視之可謂克有終哉銘曰

質以文顯有古人風自今斯道靡所與同

梅本伯友墓誌銘

安永三年閏三月

君姓梅本名知文字伯友玄理其別號考眉山君業
鑿以興宗江都三田而生君及長欲使君与氣類接

遍講書与之既而方進乎技學亦不固無幾罹災卜
居予憐曰有為我後者半次郎庶以父所教教之又
以我所學似之亦成其志而再罹災計益困然晏如
業無貳安永癸巳閏三月十四日病卒歲三十四葬
芝南西信寺先塋側君所善菅少卿來謀曰伯友不
啻治診病有恒亦篤守父之教無懈不可不誌予
曰然盖君遊諸貴善与人交有朋自遠方來吊是其
所行得於父而与性成者非邪遂為銘曰
汝業已殖汝行不爽秀而欲實汝壽有疆

按狀故小幡侯諱忠福字君壽姓源氏系自後中書
王先世居毛之奧卒因為族其裔天祥公忠明賜族
松平天祥公卒子楞伽公諱忠弘嗣封于白河楞伽
公之子涼雲君諱忠清生而多病不可嗣立故養女
婿故佐倉侯諱乘久長子宮內君諱乘高為嗣更諱
忠尚是公曾祖聞修公也而其弟諱春乘襲封佐倉
涼雲君生男諱忠雅號大梁君聞修公因讓為嗣子
於大梁君別受封於奧之桑折聞修公告老養弟之
子高松君諱忠曉為嗣是公之祖也高松君之子諱

忠恒則公考故參政大謙公也妣則津輕弘前侯信
興女也寬保二年壬戌十二月二十六日公生於吳
門邸小字幸太郎幼穎悟人目後為棟梁之材十四
始謁見 信廟位帝鑑班明年叙朝散大夫稱采女
正為人溫恭間雅威儀嚴整寬裕愛人寡欲好施率
弟妹敬事先候及太夫人不懈明和五戊子大謙公
卒公以長子襲封時年貳十七先是移封於上州小
幡蓋 官賞大謙公服勞 官政積年自聞修公
封桑折經祖考公三世常在東都邸未有就封之

命明和八年辛卯始 賜就封又新立廟於園中
 號凌雲夙夜致如在之敬不懈與人語及先侯之事
 未嘗不肅然改容安永三年甲午為禮官同僚諸侯
 稱其覈禮經五年更立蕃頭天明五年乙巳遷參政
 傳西城明年 浚廟賓天 上紹鴻基益參知天下
 大政不懈朝野稱良佐可謂勤矣然公常患痔在政
 府四年戊申春伏枕養病遂請而退再位帝監班亦
 以通達國體詳歷朝儀見推其交遊大小諸侯一愷
 弟以接之雖終日應酬每無倦其使人寬以容之遠

旋焉作終

近如一見有過者不怒而誨之為政先教化任有司
 惟恐賞罰不正民人不得其所公成浪華再奉使日
 光祭禮一凡履歷事實詳具其行狀是其大略也寬
 政己未三月五日罹疾不思飲食且六旬然時力
 疾而坐思政事如平生及病革猶神志不変遂以五
 月二十二日葬築地本郎亨年五十八臣庶如喪考
 妣公信叔氏色即是空之語預自書即是空纖月出
 間七字以為廟稱法謚二十六日葬東都牛渚弘福
 寺大謙公墓側亦公預所卜之域云公娶官津侯資

順女先卒法謚法月夫人生一男三女長子諱忠房
法謚黃梅君女諱和幼沒次諱榮適津田君信久君
今為扈從衛帥次夭側室某氏生一女諱茂適曲淵
君景露卒側室去為某氏妻又納側室島野氏生三
男三女男諱正剛出後於高木丹南侯次諱忠疆立
為世子卒法謚覺性君次諱福慎號岩吉公子女諱
清為曲淵君景露二妃次二女皆夭沒黃梅君有男
諱忠惠以嫡孫為嗣即今侯也於是岩吉君孝思不
已告侯而與大夫齋藤照儔謀令大夫撰公行狀命

諱誌于石以大夫之少長公側也其文至矣諱又何
謂哉因叙其畧繫以銘曰
才俊忠勤汎愛孝友有子有臣其德詒厚

右故小幡侯墓誌銘

寬政十一年五月 九百三十九字

敬信太夫人墓誌銘

享和政元五月 五百九十四字

敬信太夫人諱綾一名葛子初名幸千本君八右衛
門諱俱隆女母大澤氏後平戶侯諱篤信以瓜葛養
為子寬保二年壬戌十一月二十七日歸先侯生一
女女輒沒後無子於是養福智山侯諱玄綱季子為

嗣寔為今岩村侯初媵某生三男一女長乘國次乘
遠皆夭沒次乘衡出後於林君大學頭諱信敬女適
佐賀侯治茂太夫人乃子養之撫育甚謹矣為人善
善惡惡毀譽無私常嗤婦女佞佛然親所賜之佛像
則敬而終身奉之專脩內範閨適之間肅然加之姿
貌俊麗儀表有常端坐終日不失其容又好和歌學
於加茂縣主自有集為先侯即世而事猶不自斷曰
有為我子者三從之義如之何其廢之人每見其善
稱之則曰是皆嘗親與公之所誨而非自己出也既

而罹病經年衆醫百方無驗有一醫按摩而覺胸膈
小開侍人皆曰良醫也太夫人曰我已知不加數年
何有一摩而卒愈乎哉衆醫亦勤矣平戶侯至問太
夫人狀恐見則其勞將不謁林君在座曰吾將問之
入告太夫人曰我有所待趣見謂曰故平戶侯養我
之厚欲報之德猶天無極而吾何求哉今見子一謝
而斃焉斯而已佐賀侯夫人至見而將歸有悲永訣
之色太夫人怒之曰汝非奉先君遺體乎况吾未易
篋奈何有皇々焉不得之色然獨切於我而有倍

如有一問天

減性之戒則汝永無辨耳退而窺其牀枕席有涕泣
處云既而病革矣猶尚自命分遺子孫之物且曰我
嫁時素服在笥歛我形附於棺必誠之至屬纊氣猶
正遂以享保^和辛酉五月十日終於濱町莊去生辰享
保十三年戊申二月二十七日至是歲壽七十四葬
麻布麓尾光林寺域敬信其法號云銘曰

養他為子過於所生婦德貞純和歌暢情善稱親夫
見惡亦明脩身有終國謂意誠

或可字之誤
當作可

今中君子恪墓誌銘

實政八年八月

百七十九字

藝州今中君子恪姓藤諱温子恪其字也^俗稱權六園
號日涉明和元年甲申十一月為內侍臣時年十歲
仕數年而罷為君為人和而強直而通說學篤志精
劍術遊於詩画安永八年己亥九月為大侍臣後三
徙職寬政七年乙卯六月^{進方}遷為要人職傳世子加祿
來江都明年八月罹疾不起十月朔卒於櫻田邸舍
享年四十二姻舊相與經營葬於江都赤坂松泉寺
域即請誌于奈余與君相善時々談玄論古文辭乃
為誌銘曰

幼而仕長而豐四十聞國不壽可謂終

東陽先生墓誌銘

天正二年四月十四日

八百四十四

按狀君大連物部守屋氏之苗裔也其先河內人六世祖小十郎君諱定昌天正中長祿之役戰死高祖內藏君諱昌長於鳥井嶺力戰退治劍于本國油川後徵國家曾祖源左衛門君諱定秀為駿河公國臣後隱總州古河諱祖唐字秀安業醫住東都配黑川氏父諱煥明字秀諱号峨眉山人生東都業醫有弟早夭後仕大垣侯娶同藩石川公忠女生女一人

男二人女適同藩河井政休生一女二男次君次公泰字繁右衛門繼同藩栗田氏改名光當字傳兵衛有一男一女位次為下大夫君家世履歷及先君為人余太父南郭翁曾志峨眉君墓碑故畧于此君名元泰字伯亨東陽其號以享保十七年七月十四日生濃之大垣五歲初讀書知好之而不懈十三從考來東都郎後每從往還二十三喪考盡思除喪嗣家秩二百石猶以醫仕今侯是歲侯命遊軒_上都師事余太父凡七年以好學遂逸見稱_三總十二喪妣思慕

不已、明和甲申年、韓使聘東都、道濃州、侯受朝命、
為主於厨傳之事、君從在側、已而會韓使於桃源山、
全昌寺、以詩及筆語交鋒、疾應酬、客不能屈、間一年、
歸鄉、請便道過總州古河大聖院、祭曾祖塚、三十八、
侯以學益優、命君侍講、四十四、有疾、講治攝之、有馬、
溫泉、明年安永丙申夏、國家有事、日光山、太廟、
侯受朝命、協衛、君復從在側、明年升次、加秩三十、
石、常奉事侯側、無復業醫、改俗稱小十郎、蓋侯間燕、
與君從容講經、議古今治要、以為常云、間二年、患眼、

疾、踰年、殆失明、侯思君也、每在封、尚備使侍講、論詩、
而暴病卒、寶天明二年壬寅四月十四日也、壽五十、
一、葬城西北岡山先堂南、法謚澄源院諦圓居士、君、
所著有東陽集、同藩田成文來赴、謂曰、我先君俊卿、
翁、與峨眉君善、而我亦與伯亨同、以職學仕、如宜為、
之誌者也、以伯亨注意于南郭先生、而子繩其緒、且、
相愛、是以不敢、敢請為誌焉、余義不可辭、遂序而銘、
之、嗚呼、余與君交三十年、久而敬之、峨眉君曾以好、
學通敏、言行相稱、見稱、而君不墜家風、又光其祖、不、

焉為作矣

我為頌之、其誰言斯人而有愧乎、初聞君喪、明余將
弔之、而不果、今也逝矣、豈忍弔於其嗣乎、嗚呼、君過
養乎、即學以知命、又治方技、而豈為是哉、君過歡乎、
即時然後言、時然後笑、而豈為是哉、日月逝矣、今豈
杜諸公存者有幾、圖言行相稱者有幾矣、而君卒命
哉、亡之、君娶同藩深澤光繁女、生一男、名元慶、字柝
太郎、始七才、以尚幼故、以河井政休仲子左治元萬
為嗣、展我甥銘曰
維孝念爾祖行、祿在其中、慮能靜德之厚、可以施於

有政、

濟光太夫人墓誌銘

天正十六年

二百六十一字

濟光太夫人諱英、故津輕侯諱信興女也、以享保十
三年戊申十二月九日、出、寬保元年辛酉九月二十
一日、歸故參政小幡侯、而生一男、即今參政小幡侯
也、先妣故醍醐亞相公女也、近衛前相公子養之、而
適津輕侯、自有家譜、不具于此云、太夫人為人、和順
靜好、蘋蘩之職、助公不怠、好和歌、學冷泉、亞相公善
之、明和五年戊子十一月九日、故小幡侯即世、乃自

退閑居於瀨街別莊、侯嘗營山池於此、暇則往樂此
樂、太夫人之在于此、蓋追其志而如在也、又薙髮受
教於弘福寺高和尚、彌濟光、蓋亦所追福也、天明
六年丙午九月十七日、不起所病、終於瀨街之莊、年
五十有九、葬牛嶋弘福寺先室側、今侯命諱誌焉、
謹識之、遂為銘曰、
事亡如存、貞且厚、至德不見、身之守

法月夫人墓誌銘

寬政八年八月

二百九十字

法月夫人諱歌寶曆癸未十三年十一月十一日歸

小幡侯諱忠福而生一男二女男采正下女諱忠席小
名定太郎寬政己酉元年五月十日病而卒女名和
早世次名榮適津田山城君諱信久父松平壹岐侯
諱資順母側室窪田氏之女名富佐壹岐侯卒而改
號真珠院祖父豐後侯諱資訓有二男一女長則壹
岐侯卒因以次男富之助君諱資昌為家適女適加
藤相模侯諱明熙於是豐後侯以法月君為養女稱
富之助君妹來為配焉夫人有母姊母妹一適富田
八十郎君諱知真一適松平備前侯諱正升蓋夫人

性靜淑慈惠時々詠國風又彈琴最好聞香。香學香家者流志野氏之所為而入室云。寬政丙辰八年六月罹疾彌月而不已。八月五日卒享年五十四。葬牛嶋弘福寺先塋域。法謚彌法月院。銘曰：無非無儀婦德之整所好是香所守自靜。

佐川碯山君墓誌銘

安永九年九月

三百十二字

君姓藤名彌明字天啓号碯山自曾祖世々仕三春侯業醫其先藤馬常陸佐川人也。因領其邑以佐川為氏。為臣於佐竹。諱義信公。卒子玄清。仕真田伊豆。

侯居信州松代。卒子三順。仕真田伊賀侯。卒子如仙。家居承傳。安藤侯室。永四年丁亥正月三春侯聘而臣之。卒子玄竹。嗣。卒子玄洞。嗣。名一貫。字大溪。雲藤川氏生君。及元隆名業。廣字公勤。而卒子玄筑。嗣。即君也。卒不娶。無子。以西川氏名和最。字子敬。為嗣。玄洞君。實相州浦賀中嶋。壽慶氏長子也。藤川氏先卒。再娶佐合氏。君性孝友。不好浮華。之交初從余遊。語余曰。所謂人而無恒。不可以作巫醫。是亦在我耳。昔將進於技。何從衣裳。楚々致義藥。籠水虛譽。之為余。

曰善夫吾望之於人久矣今得足下嗚呼其志壯哉
安永九年九月二十六日君罹疾而逝矣享年二十
九葬東都城北谷中某寺先塋側銘曰
發憤志仁其業不遂天道與善必賜爾類

小幡侯世子墓誌銘

寬政十年三月 三百五十七字

世子諱忠彊字君義稱乙五郎小幡侯諱忠福第三
子長采女正諱忠房次諱福親稱勇次郎出嗣高木
侯即今主水侯改諱曰正剛采女世子寬政元年五
月十天下世乃以乙五郎君為世子寬政二年庚戌

敦

十一月十五日始 朝見獻太刀及馬資紗綾例也
世子性沈靜閑雅時以善騎馬學射不懈自幼見侯
誘羣臣以學而閑講筵常豫事以符講日必臨其筵
蓋欲使其益嚮學云配內藤侯諱信敷妹諱滿寬政
戊午正月十三日舉一女名宣第一諱福慎稱岩吉
姪一采女世子長子諱忠惠稱初之助世子庶氏所
生適氏法月夫人子養之庶氏名多都性婉雅予曾
讀其詩而知之寬政四年壬子七月某日卒法諡号
宝蓮院世子為人孝友不喜猥交遊問學於 相歡

平居無事則歌謠曲擊小鼓以娛以安永五年丙申
九月十一日生寬政九年丁巳七月病而經月至冬
病少間明年強朝正至二月遂不已十二日下世
年二十三葬牛嶋弘福寺先室側法諡号覺性院銘
曰、
謂父為天、謂我為師、察君悲壽命、悲於父師、悲

八橋檢校百祀追遠碑

天保四年六月

蓋箏之傳于世尚矣姑不論云而傳箏曲行于世實
自檢校八橋氏始五傳而至檢校長谷富師技益精

歌殊妙配樂歌而不悖翻新曲而不凡覺之者早成
聽之者無倦世無不知其為名家者今茲天明甲辰
六月十二日八橋師之百祀忌日也於是長谷富師
慨然嘆曰夫不忘舊古人所尚也追遠哀死聖訓所
重也冀自今以始後傳者有繼祭矣乃會門人於淺
草寺中長壽院潔心彈一曲又使門人數百人隨序
並奏助之亦尚觀世音歌之既祭而謂余曰不誠無
物奈何感鬼神今人動徇利倍師棄舊不顧予薄如
此願不朽斯道立碑本庄第一橋妙音宮東 賜地

統

以貽後世請子為記焉余曰善哉是不獨為八橋師之福繼其統稱其師者與祭祀有依而不朽亦唯尚德音與妙音通神理綿々不絕是謂勒碑之志也其五傳者姓名別具云

夫箏曲之盛行于世自檢校八橋氏始受其業者五傳而至檢校長谷富氏初八橋氏思得箏曲之要祇補江嶋辨才天之宮七日夢神告其方有所大得依之分曲調音盡定規矩而後世有所法皆祖八橋氏

以二文七方上毛說云ハ前之長文之方ハ檢校ハ行年
又合トアリ短文ハ方モモシク生カセ方モモシクハ檢校ハ行年

實可謂勤哉由是觀之箏有神助而福人心參樂音非直為遊戲之具亦可知矣天明某日日八橋氏之百回忌日長谷富氏為建碑門人深具道者若于与為余曰不悖始思永終以誠率物神其不饗遂係以歌曰
昔達音兮有若人今追遠兮定其真
彈絃奏曲從斯道誠汝心兮知有神

仙臺滄洲先生墓誌銘 寬政四年四月 千四百七十七字

維寬政四年壬子四月十六日仙臺文學滄洲先生

卒嗣子子正以哭泣惻怛不能及他事且千里謀事亦艱故使先生之甥目黑清内氏需誌其墓而致意俱懇倒尚依同藩吉田氏役吏不已余既有感通家之誼則不得以不才辭焉乃按扶曰先生姓源諱義質字子敬號滄洲小字曰市郎後改曰善四郎長而曰彦四郎以為俗稱父佐久間洞巖諱義和字子巖號容軒以正德四年甲午四月二十七日生先生於仙臺府下而性多病以故不便續佐次間氏而容軒翁族出自新田氏中郎將源義貞故氏先生曰新井

新井新田也取井有田義云蓋歷戰國之久其苗裔亦飄零今不忍辱祖先之名故易田以井是謂翁之志也先生六歲從翁學木齋先生研究不急學成而事教授初餽口藩公族石川氏村滿君之家而寓居于市時人稱曰國器甚器重矣寬延三年庚午六月二十八日奉先侯忠山公之文學翌月命為國學教授又進講經筵寶曆三年癸酉九月始出東都官邸進講世子與翁主六年丙子忠山公即世世子重村公襲封十二年壬午午日進爵復為侍講明和五年

增

戊子六月進班七年庚寅閏六月賜居宅城頭琵琶湖上安永七年戊戌六月賞其勤業有效賜祿天明六年丙午九月復進班寬政二年甲戌夏六月重村公告老今侯齊村公嗣重村公嘗賜服及金于先生又手書駕鶴二字賜焉自非遇待之厚所不許賜也初容軒翁雅好學脩儒行有餘力則賦詩屬文又善書畫國中稱慕勿論常交通都下諸名家殊與白石先生徂徠先生相善一日以先生九歲時之春贈白石先生先生熟視曰奇哉吾有意矣監本四書者

一帙是此吾三十七歲時始所進講文席之書也實自珍藏焉吾知此兒繼家業吾雖不才采君臣之際實可謂奇遇是以今授于兒其亦庶幾乎尚附國字書尤見懇諭先生果三十七歲奉文學獲于君時人皆感白石先生之識鑒云乃以此帙始進講忠山公然而不常用唯歲首進講用之歲首進講於公前非儒官之常例而先生自始仕至七十六歲凡十二度為之人皆榮之先生歲十三甫賦詩爾後思而不止稍解其趣不能自休十七歲以家君副書修贄

吾王父南郭先生學殊勤矣、最深于詩、先生賞其語
之而不情、叩兩端而竭焉、又時：手書開喻異于他
人、則集編以為帳祕、惟示篤信者而誘益之、故先生
於詩道盡通焉、先是奧雖有詩人、法則不正、殆非大
雅響、自先生倡之、多及盛唐格調、者先生既以詩名
名益起、忠山公嘗欲見朝會之日、誇同班諸侯、以有
先生而監、以何日命先生曰、而自書汝詩、不具名姓
而上、固辭終不得已、乃上、公朝懷之、成其所欲焉、重
村公亦數賞詩、各賜寵言、他四方有名士、執贄通交

者益多、小倉宰相宣季公、聞先生父子之名聲、賜詩
及存札、見求其著述、於是藩中稱曰、嗚乎、中國衣冠
而有求于邊陲、豈不謂觀國之光哉、邦內全玖院有
僧玉呼者、曾遊薩州福正寺、遇琉球人、問曰、僧何處
產、對曰、仙臺矣、曰、源子敬無恙乎、齒幾何、曰、不知矣、
曰、不知子敬、則僧果非仙臺人、而哂之、玉呼歸、問邦
人、而知先生、今見稱大儒、曰、顧我幼出國、先生亦幼
名未顯、宜哉、我失對于琉球人、從是、每逢人、稱先生
不置、先生為人、謹厚謙實、其取友端、初貧而無詣、學

諭
當
在
喻

而剛毅、後就官、寒、雪、暑、雨、未嘗休息、老尚力疾行事、故見豫怠者、不假辭色、為人謀而忠、又无宿諾、亦以此戒諭門人、是以他縉紳諸名家寄詩贈書、請交結者、日月益多、况邠內士、无不遊其門者、著作亦既富、以生乞上木、謙讓不足為不朽、而門人、隣藩、伊、連、中、木君裕者、不堪愛惜、竊編梓之、以南郭先生所題詩冠于序、已行于世、先生歷事三公、在官四十三年、出東都凡六、後以年老、命免役、駕嘗謂一謁今公而請致仕、而公將就國、而先生以疾卒、年七十九、葬城北

莊嚴寺先室側、於是朝哀如其族、野悲如其親、門人失所事、徒以遺編為有若、為典刑、聞赴者無不墮淚、先生配丹野氏、先卒、生五男二女、四男皆夭、季義路、字子正、嗣家繼業、二女皆適人、嗚呼先生生有益人、死而見思、若有其實德、不悖其師、則觀門人之厚而可見、遂作銘曰、
泱泱齊風、遺編有在、七十九年、其德无悔、成已詩乎、又以成人、維此君子、文質彬彬、

長羽君禮卿墓誌

文化二丑八月キ下アリ

五百有餘

佐羽紀義字礼卿本姓鈴木氏父諱兼忠後姓吉田
娶藝藩坂本源太之姉生女子稻及紀義稻大禮卿
性嚴正而應物雖曰大人汗不至阿其所好好學博
覽精力強記且善詩文飲酒弘嘉終日抑々未見沈
醉不知者或不樂曰此人不可無一不可有二礼卿
既卒未亡人泣謂同藩玉置字ヲ用曰先人逝矣兒
尚幼矣未有見焉人耶与為友故遠服子莫往莫來
悠々我思願子見服子請先人不朽之一言代我懸
此意對曰諾於是余畧家譜而誌焉本藩斤羽四郎

右衛其第五子久助受侯命分為二家實明和辛卯
八年十月二十八日也久助病而危急其兄諱正登
從史請紀義於舅氏為嗣因冒斤羽氏蓋久知君為
人於舅氏也初鈴木氏仕親藩紀公坐屬吏事而退
時有執事者諸言公所公怒遂棄職再仕三州侯受
姓吉田稱賀大夫母子歸舅氏兼忠從駕三州侯於
浪華還而迎母子在浪華生女陸也幾侯逝傳公子
求馬君歸久而後卒而母氏託紀義於外祖曰請使
此子受大國之餘瓜曰諾養于我家視之猶子舅氏

年。

亦然既陸六才患痘疾外祖母憫而周旋託紀藩吉
田氏妻鈴木氏而母氏也矣安永五年丙申六月朔
札御蒙候命為臣青山新田侯稱茂十郎始授步兵
外衛明年加增月俸賜白金十枚天明二年為先導
佐明年賜年俸六軍為政府椽於是不得諱與人交
明年加軍尉偶卒以室曆十二年壬午七月二日生
文化元年甲子八月二十七日卒葬赤阪覺永寺先
塋之域有子名仙十郎年十六嗣家母氏

母氏以下之備又似可也
手 七二七可書也

武州音羽街里正栗山氏墓誌銘 四百五十六字

栗山廣明常陸新治宇治會邑人俗号兵左衛門本
姓坂田氏嘗仕大岡侯亡幾去歸鄉里君為人好義
篤交有友人某携家往大坂為代官之屬而婦病卒
某亦病而還即携三女子至謂曰我官遊不遂婦死
身有疾而無所依如三女何知公之平生故來投焉
君惻然容之後某病歿君養三女各適某氏云其於
物率此類也父名玄光業醫祖父名養益業醫嘗仕
庄内侯後辭歸住本州新治小幡母常陸真壁國野

氏年太左衛門女。寶曆乙亥五年。武州音羽街里正
某養君為子。繼里正。以其女名藤配。生一男一女。男
名廣之。早卒。女名貞。於是君養武州葛飾濱田氏名
廣道。配貞。配卒。再娶武州崎玉粕壁。園根氏某女為
配。生二男。長名暢學。次名常敷。而廣明使廣道。繼里
正。退自養志。天明壬寅二年。以宿志。欲造西國三十
三所觀世音望拜之場。謀同志某。請於縣官。寬政
壬子四年。經營既成。事亦勤矣。乃東都護國寺域中
三十三場者也。亦唯不獨祈冥福。使眾人依之祈福。

于三世也。嗚呼。慈哉。亦其性也。相澤氏與君相善。惜
君功德不見知于世。謀余墓誌之事。因略叙而授焉。
君以享保壬子十二年生。寬政乙卯七年七月十六
日卒。年六十四。葬關口大泉寺域內先室側。法稱澄
心院信譽德源居士。銘曰。
交際友諒。汎愛養不忍之心。義耶。成事酬志。不忘幽
冥之福信耶。

識壺井氏自秀墓石

明和四年

六十七字

壺井喜六諱恒則。世家伏見。掌給船算。明和丙戌冬。

有所請，來東都。丁亥四月五日，罹疾。及于逆旅。春秋
四十一。先人終始，嘗視以猶子。故效羸博故事，葬東
海寺白雲庵域內。

佐藤冬嶺翁配菅孺人墓誌銘

明和四年歲次
三百十六字

滕華陽皇女為來泣下曰：先母以十一月寢疾不食，
十二月二十四日即世。欲顯之德，助謀建石，出其行
狀，請余辭。余哭而讀其略曰：孺人姓菅氏，其先某，管
相公之裔。而豫州松山太守某祖，久松佐渡守某第
五男，伊織七世之孫也。孺人適允君，生五男一女。女

論

夫沒先君在時，婦道無闕。勿謂憂五男同族有孤
者，護視同所生，故得恃以成立者二十餘人。樂聽聖
教，喻親親於子姪。室家雍熙，常吟古歌。有感者，性好
施，予不問僧俗，尤隨喜佛。嘆曰：奈吾不長者，何孺人
便習縫裁，可以速則速。大為人益。每携子，魏遊佛圖
若山林，欣欣然。而樂疾病，語長子義信等曰：吾今年
七十九，老不恃粥，思願足矣。顧魏曰：某所因地為墳，
勿推他。南北祭必薄，臨終合掌，惟唱佛名。於是駒籠
天榮寺南北對先君墓，葬愛女阿蘇墓左。實明和丁

墓誌

亥年云余幼辱骨肉愛思孺人德無慙容遂作銘曰
維德維順維和善誘施由親始人得食母

石牌六只香雪公
アリテ以下五アリ

香雪管沼元載公墓誌銘

是香雪管沼公之墓也公諱忠賢字公久稱將監香
雪其號尼崎侯忠告第五子弟三稱大膳亮為世子
母松平丹波侯光知伯母寬政九年丁巳九月出嗣
管沼公織部正定前家公更諱定賢稱新八郎織部
公之配板倉周防侯勝政女也享和壬戌之夏 命
叙從五位下任攝津守為大宰 冲成浪華城明年夏

敬慕敬

罹疾卒實五月二十六日也乃葬東都四谷全勝寺
是管沼氏之先地也於是世子大膳君悲友干之永
訣感施政之仁德建石於全勝寺謂 譯曰宗祀之所
豈可無誌哉請子記之 譯授公詩書且知公為人曰
不讓略識焉公性孝敏悌順講習文武不懈近習亦
皆化之弱不好弄惟列樂器以吹笙為樂又愛梅樹
所居必種初公就封參新城下車先問士民所疾苦
有擬折券之政士民大悅有漕河而路險迂曲地之
所產實人艱負荷以達漕所苦往來久矣公見城傷

埋

有可道其所以為通之而居賈人亦益於民然恐新
賈利舊賈否乃悉召諸賈詰之皆曰是甚便利且各
倍遂曰願獻謝息金公咲曰勿有利各^自築鑿以當
獻金從之成則倍蒞前利賈皆大悅是可謂惠而不
費公既得百姓之歡心疾革則士民各自禱祈卒則
至匪人息一日息工事公以安永二年癸巳七月十
日生享年三十一始卒匆以事嚴共謀依綱島大長
寺行葬事茶毘小橋里買地理灰立碑長島侯十時
文學作其文併書浪華森生書去謚而後乃今負骨

還葬全勝寺銘曰

發自中心誠於其事欲稱公德誰是有愧

高木氏墓誌

高木氏姓源所謂村上源氏者也其先某仕別所氏
有戰功三木之敗軍敗城陷^逃而居高木邑因此為
後以醫為業云曾祖父道安尚瓜者播州人也仕植
村侯移于和州生祖父行法行法受學淺見先生安
正迹以儒為業元祿癸未十六年仕于宇和島侯移
于江渚時今侯為世子命為侍讀有罷生一男名行

役

文幼而便就學生二女一適小田原疾臣柳澤某一
 適紀藩小谷某享保乙卯二十年謝疾致仕号何及
 行文嗣家継業侍于講筵或與于宴今疾始就國命
 使從駕益見寵遇男三人女二人長曰布之丞次女
 菊次男直之進後改曰甚平名行之嗣家次男相
 三郎後改賴母名直章出後于同藩三原氏次女美
 惠適福岡候臣森田某始行文謂我已以儒事君不
 孫若有才則継業永報君恩孝于祖先若不才則汗
 襟祿辱先不如以具臣受祿乃請于公辨儒官公許

之故行之不業儒矣行法延享乙丑二年閏十二月
 十五日以疾卒年七十三行文宝曆己卯九年閏七
 月五日病而卒年四十二同葬武州白銀村立行寺
 域内行文配水口候臣荒波某女行文卒時行之九
 歲直章六歲季女三歲未亡人撫育三子有力氣賴
 母氏與元諱在舊謀于余曰祖先既以儒為仕其所
 志亦可觀今併記世系詔于子孫欲使視之而有志
 者激昂請子為誌焉余感其感祖志而不忘思孫謀
 而不措因為畧起其狀緘其孝思云

淨婦姬氏墓誌銘

文化四年丁卯新九月

姬氏名美勢姓高橋氏兄弟四人兄男次姬次第妹也生江都新橋後移居銀坐街享和二年壬戌十一月二十八日仕老侯當夕帷幄而侯將歸隱封邑參州奧殿試向姬氏曰汝從我乎不欲去親之鄉乎姬氏曰豈生女公子棄之如安乎而無他言前是姬氏生女公子二人茲愛忠順長育顧復無不至而奉親盡婦道無不至兄弟友愛人無及焉性溫厚不忤于初侯感其忠順孝思以為所謂青出之於藍而青於

藍者也六年供奉如一文化四年丁卯七月九日疾劇而沒猶供給左右之事不已侯益驚借思其捨已奉公贈老女職年二十三葬參州梅香山林宮寺而其葬儀法謚一因長親山西光寺而併石焉蓋以其家世之所奉宗門也謂之侯志侯不勝其遺愛齎書遠需誌銘曰
出仕有識君捨已奉職忠孝期于同可言婦德

青松太夫人墓誌銘

青松太夫人諱政故尚部丹後侯諱詮方第六女以

寶曆十三年癸未八月二十六日生丹後侯聘故有
馬日向侯諱直純女為夫人而側室教澄氏生青松
君夫人養為子天明七年丁未之秋故小幡侯諱忠
福娶為世子黃梅君諱忠房配明年三月二十日生
女公子名容九年二月三日夭法謚幼春院黃梅君
有側室淨華氏之子初之助君太夫人養育為子黃
梅君卒弟乙五郎君為世子卒初之助君以猶孫為
嗣子名忠惠稱內膳任宮內少輔即今侯也太夫人
性至孝事舅姑有婦儀奉所天有婦道視今侯猶自

生今侯視猶所生顧腹乙五郎君之孤女如己子淨
華君氏逝也哀甚尚命使無忽喪事溫恕詳審有賜
則雖不得見者與及為寬政甲寅春火于麴坊延燒
霞燭之下即太夫人館及室器亦為烏有晏如無片
言益自安節儉然於臣妾周急不吝即是空侯尚其
少為寡欲姑無雜髮擇對再嫁與姻家謀太夫人聞
之即日斷髮示守信誓而祈黃梅君之冥福時、點
茶以供為蓋其在時好斯技也法月夫人卒而即是
空侯尚秘太夫人居於上即聞藩中好文武者則竊

說而使勸卒其業為人靜婉退謙於事不敢好茶香
彈琴尤尚和歌師一佐日野公資枝公薨學三位凡
早公實秋未許嫁時尙部侯謂曰女子雖升高位紡
績為職古之道也以諭乃知葛覃之為本而服之無
罽享和三年癸亥六月五日卒距生年四十一葬牛
嶋弘福先空域嘗受戒弘福寺洞雲和尚号青松院
貞林寿宗大姉即為法謚銘曰
夫乾婦坤相成德太夫人齊為女則



